

**LOVAČKO DRUŠTVO „JELEN“ GRADAČAC  
GRADAČAC**



Na osnovu odredaba Zakona o lovstvu Federacije Bosne i Hercegovine (Sl. Novine FBiH br: 4/06), a u vezi s odredbama Pravilnika o programu, uvjetima i načinu polaganja lovačkog ispita (Sl. Novine FBiH br.2/08) i člana 30. t. 2 Statuta lovačkog društva „Jelen“ Gradačac br: 01-193/09, Skupština Društva na sjednici održanoj dana 24.12.2009. godine, donosi

**PRAVILNIK  
O PRIJEMU ČLANOVA U LOVAČKO DRUŠTVO, NJIHOVIM PRAVIMA I  
DUŽNOSTIMA**

**OPĆE ODREDBE**

**Član 1.**

Ovim Pravilnikom bliže se uređuje prijem članova u lovačko društvo „Jelen“ Gradačac (u daljem tekstu „Društvo“), njihova prava i obaveze.

**Član 2.**

Prijem članova u Društvo vrši se pod uvjetima utvrđenim Zakonom, Statutom Društva i ovim Pravilnikom.

**Član 3.**

Članom Društva može postati svaki građanin koji ispunjava slijedeće uslove:

- da je državljanin Bosne i Hercegovine,
- da je punoljetan (i maloljetan samo kao pomažući član),
- da ima stalno prebivalište na području općine Gradačac,
- da ispunjava i druge uslove predviđene Zakonom i Statutom Društva.

**Član 4.**

Članovi Društva koji se žele aktivno baviti lovom, pored općih uslova predviđenih u prethodnom članu, dužni su ispunjavati i slijedeće uslove:

- da imaju položen lovački ispit;
- da posjeduju dozvolu za držanje i nošenje lovačkog oružja.

#### **Član 5.**

Lovac je zvanje koje član Društva stiče po položenom lovačkom ispitu.

### **PRIJEM U ČLANSTVO**

#### **Član 6.**

Građani koji se žele aktivno baviti lovom, a nemaju položen lovački ispit, primaju se kao članovi pripravnici do položenog lovačkog ispita.

#### **Član 7.**

Prijem u članstvo Društva vrši se na lični zahtjev građana koji se podnosi u pismenoj formi.

Uz zahtjev za prijem u članstvo prilažu se i dokazi o ispunjavanju uslova iz člana 3. i 4. ovog Pravilnika.

Zahtjev u pismenoj formi s priložima podnosi se Predsjedništvu Društva.

#### **Član 8.**

Kad zahtjev za prijem u članstvo podnosi lovac, koji je prethodno bio član drugog Lovačkog udruženja, dužan je uz zahtjev priložiti i ovjerenu ispisnicu iz tog Lovačkog udruženja.

#### **Član 9.**

O zahtjevu za prijem u članstvo, kojeg podnosi lovac, koji je prethodno bio član drugog Lovačkog udruženja, Predsjedništvo Društva odlučuje na prvoj narednoj sjednici.

#### **Član 10.**

O prijemu u članstvo odlučuje Predsjedništvo Društva na prvoj sjednici u mjesecu februaru, uz prethodno pribavljeno mišljenje Sekcije koja djeluje na području prebivališta podnosioca zahtjeva.

Predsjedništvo Društva je dužno u roku od 8 dana, od dana donošenja odluke o zahtjevu, obavijestiti pismenim putem podnosioca zahtjeva.

Protiv odluke Predsjedništva, kojom se odbija zahtjev za prijem u članstvo, nezadovoljni podnositelj zahtjeva ima pravo žalbe Skupštini Društva u roku od 15 dana od dana prijema odluke.

Skupština na prvoj narednoj sjednici odlučuje o žalbi žalitelja i donosi o tome svoju odluku.

Odluka Skupštine je konačna.

#### **Član 11.**

Članom Društva smatra se osoba koja je odlukom Predsjedništva u prvostepenom, odnosno Skupštine u drugostepenom postupku, primljena u članstvo, izvršila uplatu upisnine i članarine.

#### **Član 12.**

Društvo vodi pisanu i elektronsku evidenciju članstva na način propisan Zakonom, Statutom i drugim općim aktima Društva.

#### **Član 13.**

Član Društva dobija člansku kartu, čiji oblik i način izdavanja utvrđuje Savez Lovačkih organizacija.

Ovjera članskih karti vrši se za svaku godinu, nakon izmirenja finansijskih i drugih obaveza.

#### **Član 14.**

Društvo ima i počasne, zaslužne i pomažuće članove.

Počasnim članom Društva proglašava se član koji ispunjava odredbe Pravilnika o priznanjima i odlikovanjima Saveza lovačkih društava Tuzlanskog kantona.

Zaslужni i pomažući član je onaj građanin koji se ne bavi aktivno lovom, tj. nema pravo lova, ali voli lovstvo i želi da ga na određeni način pomaže, pa je kao takav evidentiran u LD-u.

## **PRAVA I DUŽNOSTI ČLANOVA**

### **Član 15.**

Prava članova Društva su:

- Da biraju i da budu birani u organe Društva, osim ako su u posljednjih 5 godina disciplinski kažnjavani;
- Da organima upravljanja Društva podnose prijedloge o pojedinim pitanjima iz njihovog djelokruga i da budu obaviješteni o stanovištu koje je zauzeto u pogledu podnošenja prijedloga;
  
- Da pokreću raspravu i sudjeluju u raspravljanju o pitanjima koja su od interesa za izvršavanje zadataka Društva;
- Da love divljač isključivo u skladu sa Zakonom, Statutom Društva, i drugim odlukama nadležnog organa Društva;
- Da sudjeluju u radu Sekcije i Skupštine Društva, preko izabраниh delegata;
- Da budu informisani o radu organa Društva, a naročito o planovima i izvršavanju planova zaštite prirode i čovjekove okoline, zaštite i uzgoja divljači, te sportskom odstrelu divljači;
- Da koriste tekovine proizašle iz rada i djelovanja Društva;
- Da imaju člansku kartu Društva;
- Da nose simbole Društva;
- Da ostvaruje i druga prava propisana Zakonom, Statutom Društva i drugim opštim aktima Društva.
- Žene – lovci oslobođene su radnih obaveza u Društvu.

### **Član 16.**

Članovi pripravnici u toku trajanja pripravničkog staža mogu ići u lov s članovima koji imaju položen lovački ispit, ali ne mogu nositi oružje niti vršiti odstrel divljači.

Društvo osigurava članovima pripravnicima tokom trajanja pripravničkog staža potrebne uvjete i prava propisana u Pravilniku o programu, uvjetima i načinu polaganja lovačkog ispita (Sl. Novine FBiH br:2/08).

## Član 17.

Dužnosti članova Društva su:

- Da aktivno sudjeluju u organizovanju djelatnosti i ostvarivanju ciljeva, zadataka i poduzetih akcija u Društvu;
  - Da se pridržavaju odredaba Zakona, Statuta Društva, ovog Pravilnika i drugih općih akata Društva, kao i odluka, odnosno zaključaka organa upravljanja Društva;
  - Da se upozna i da poznaje sve propise kojima se regulišu prava i dužnosti članova Društva;
  - Da čuvaju, štite i uzgajaju divljač;
  - Da vode brigu o čuvanju i zaštiti cjelokupne faune na području djelovanja Društva;
  - Da savjesno izvršavaju zadatke i obavljaju izabrane funkcije u društvu i njegovim organima;
  - Da sudjeluju u radu Skupštine Društva, drugim organima upravljanja, te drugim sastancima koje organizira Društvo;
  - Da se zalažu za razvijanje svijesti, demokratičnosti, discipline i odgovornosti;
  - Da rade na svom stručnom usavršavanju i obrazovanju u cilju razvijanja i unapređenja znanja i opšteg obrazovanja;
- 
- Da na sve zakonom dozvoljene načine štite divljač od elementarnih nepogoda, štetočina i krivolovaca;
  - Da štite ugled Društva i njegovih članova;
  - Da se u bavljenju lovstvom pridržavaju zakonskih propisa, lovačke etike i morala;
  - Da prema mogućnostima uzgajaju i školuju čistokrvne lovačke pse koji odgovaraju lovištu kojim Društvo gazduje;
  - Da pravilno i oprezno rukuju lovačkim oružjem i drugim opasnim sredstvima, tako da se ne ugrozi sigurnost osoba i imovine;
  - Da u slučaju elementarnih nepogoda aktivno sudjeluju u spašavanju divljači, a za vrijeme košenja na spašavnju gnijezda i mladunčadi;
  - Da obavljaju i druge dužnosti propisane Zakonom, Statutom Društva, ovim Pravilnikom i drugim općim aktima Društva.

### **Član 18.**

Građanin koji je primljen u članstvo Društva, dužan je uplatiti upisninu i članarinu. Obaveza iz prethodnog stava odnosi se i na građane koji obnavljaju članstvo, kao i na one lovce koji sa ispisnicom prelaze iz drugog Lovačkog udruženja. Članovi Društva, dužni su upisninu, članarinu i druge novčane obaveze prema Društvu u cijelosti izmiriti u roku kojeg odredi Skupština Društva.

### **Član 19.**

Visinu upisnine i članarine određuje Skupština Društva na prijedlog Predsjedništva Društva za svaku godinu. Skupština utvrđuje i rok do kojeg se članarina, upisnina i druge obaveze moraju izmiriti.

### **Član 20.**

Počasni član Društva oslobođen je plaćanja članarine prema Društvu.

## **PRIPRAVNIČKI STAŽ**

### **Član 21.**

Prije početka pripravničkog staža, Društvo je obavezno da za svakog pripravnika pored organizovane teorijske obuke osigura i Priručnik za polaganje lovačkog ispita, u cilju lakšeg sticanja znanja predviđenog Programom.

### **Član 22.**

Pripravnički staž traje godinu dana računajući od dana sticanja statusa pripravnika odnosno prijema u Društvo.

### **Član 23.**

Pripravnik o svojim aktivnostima u toku pripravničkog staža vodi Dnevnik.

Dnevnik po završetku pripravničkog staža ovjerava mentor.  
Kandidat koji ne položi ispit, Dnevnik zadržava do ponovnog polaganja ispita, a poslije položenog ispita Dnevnik se arhivira u Društvu.

#### **Član 24.**

Za realizaciju teorijske i praktične obuke pripravnika, odgovorni su mentor, stručno lice i stručni predavači sa završenim VI i VII stepenom stručne spreme iz oblasti koja je predviđena u programu za polaganje lovačkih ispita.

#### **Član 25.**

Mentor se imenuje preko lovačkog Saveza i mora posjedovati najmanje IV stepen stručne spreme šumarske, veterinarske ili poljoprivredne (stočarski smjer) struke i najmanje pet godina lovačkog staža, odnosno IV stepen bilo koje struke i deset godina lovačkog staža.

#### **Član 26.**

Mentor po završetku pripravničkog staža podnosi izvještaj i ocjenu Društvu i lovačkom Savezu.

Društvo na osnovu izvještaja mentora donosi odluku o osposobljenosti kandidata za polaganje lovačkog ispita i tu odluku dostavlja pripravniku.

Po dobijanju odluke iz stava 2. ovog člana, pripravnik podnosi prijavu za polaganje lovačkog ispita.

Društvo je dužno u roku od 30 dana po prijemu prijave da organizuje polaganje lovačkog ispita.

Ispit se polaže u skladu s odredbama člana 15. Pravilnika o programu, uvjetima i načinu polaganja lovačkog ispita ( Sl.novine FBiH br:2/08).

#### **Član 27.**

U slučaju da se za polaganje lovačkog ispita prijavilo manje od deset kandidata, Društvo će pripravnika uputiti na polaganje lovačkog ispita u drugo Udruženje kod kojeg se održava polaganje lovačkog ispita.

Pripravnik upućen na polaganje lovačkog ispita u drugo Udruženje, dužan je sa sobom ponijeti odluku iz člana 24. Stav 2. Pravilnika o programu, uvjetima i načinu polaganja lovačkog ispita.

### **Član 28.**

O položenom lovačkom ispitu svakom kandidatu Federalno ministarstvo izdaje uvjerenje, koje ima karakter javne isprave.

### **Član 29.**

Kandidat koji ne položi ispit nakon drugog polaganja gubi status pripravnika. Lice iz stava 1. ovog člana ima pravo da, nakon isteka godine dana, od drugog neuspješnog polaganja, ponovno podnese zahtjev za sticanje statusa pripravnika.

### **Član 30.**

Članovi pripravnici dužni su izvršavati sve obaveze propisane zakonom, statutom Društva i drugim općim aktima društva, izuzev obaveza koje za uslov imaju prethodno položen lovački ispit i posjedovanje lovačkog oružja.

## **PRESTANAK ČLANSTVA**

### **Član 31.**

Članstvo u Društvu prestaje:

- Prestankom rada Društva;
- Istupanjem iz članstva po svojoj volji;
- Ako u utvrđenom roku neopravdano ne udovolji finansijskim obavezama prema Društvu;
- Ako se ustanovi da je u članstvo Društva primljen na osnovu lažnih dokumenata i neistinitih podataka;
- Isključenjem iz članstva na osnovu pravomoćne odluke u disciplinskom postupku;
- Po osnovu dvojnog članstva;
- U slučaju smrti.

### **Član 32.**

O prestanku članstva, osim u slučaju smrti, odlučuje Predsjedništvo Društva, koje donosi rješenje o prestanku članstva.

Rješenje o prestanku članstva dostavlja se članu Društva u roku od 8 dana od dana donošenja odluke.

Protiv rješenja o prestanku članstva iz razloga navedenih u članu 31. alineja 4. i 5. može se uložiti žalba Skupštini Društva.



Žalba se podnosi pismeno u roku od 15 dana od dana prijema rješenja.  
Žalba ne odlaže izvršenje rješenja.  
Odluka Skupštine po žalbi je konačna.

## **PRELAZNE I ZAVRŠNE ODREDBE**

### **Član 33.**

Ovaj Pravilnik stupa na snagu danom usvajanja od strane Skupštine Društva, a primjenjuje se narednog dana od dana objave na oglasnoj ploči Društva.

### **Član 34.**

Danom stupanja na snagu ovog Pravilnika, prestaje da važi Pravilnik o prijemu članova br: 74/98 od 17.12.1998. godine.

Broj: 01-193/09

U Gradačcu, 24.12.2009. godine.

VD Predsjednik Društva:

Irfan Muftić